

INUIT ATAQATIGIIT

INATSISARTUNI



UKA2021/085

21. oktober 2021

Mariane Paviaisen

Nunat tamalaat akornanni aningaasaliisussanut pilerinarsaanissamut atatillugu Tasersiarmi erngup nukinganik nukissiorfiliortoqarnissaata avammut ussassaarutiginissaanut aalajangersimasumik pilersaarummut periusissiortoqarnissaanik Naalakkersuisut peqquneqarnissaannik Inatsisartut aalajangiiffigisassaattut siunnersuut. Pileraarut kingusinnerpaamik UKA2022-mi saqqummiunneqassaaq.

(Inatsisartunut ilaasortaq Siverth K. Heilmann, Atassut)

Siullermik Inuit ataqtigiit sinnerlugit siunnersuuteqartoq Siverth K. Heilmann siunnersuutaanut pingaaruteqartumut qutsavigaarpit.

Siunnersuut tassaavoq siunissamut isigisoq, nunatsinni aammalu nunarsuarmioqatitsinnut pitsaasumik kinguneqartussaq, Inuit Ataqatigiinnilu piujuarsinnaasunik pilersitsiniarneq, mingutitsinnginnerunissamik anguniaqarneq tapersersortuuarput.

Siunnersuummi pineqartoq Tasersiami erngup nukinganik innaallagissiorfimmik pilersitsinissaq siunertaralugu Naalakkersuisut avammut ussassaarinermikkut aningaasaliisuusinnaasunik pilerinarsaataasinnaasumik saqqummiussinissaannut siunnersuut.

Maluginiarparput siunnersuummi Naalakkersuisut siunnersuummut allannguutissatut siunnersuuteqartut, Naalakkersuisut allannguutissatut siunnersuutaat tassaasoq:

INUIT ATAQATIGIIT

INATSISARTUNI



"Tasersiami aammalu periarfissaqarfiusuni qanitaaniittuni erngup nukinganik periarfissaqarfiusut nittarsaanneqarnissaannut unammilleqatigiisitsiviginissaannullu pilersaarummik aalajangersimasumik suliaqarnissamik peqquneqarnissaat pillugu Inatsisartut aalajangiiffigisassaattut siunnersuut. Erngup nukinganik periarfissaqarfiit taakkua unammilleqatigiisitsiviginissaat pillugu nalunaaruteqarneq 2022-mi pissaaq. Naalakkersuisut UKA2022-mi suliaqarneq pillugu Inatsisartunut ilisimatitsinissamik peqquneqarput."

Sivert K. Heilmann-ip siunnersuutaannut sukkatsisaataasussatut isigaarput tamannalu tunngavigalugu Naalakkersuisut allannguutissatut siunnersuutaat taperserlugu ataatsimiitaliamut susassaqartumut ingerlateqqipparput.

Qujanaq.